

Sibe jungi Chätzli

I ha doheime sibe jungi Chatze,
wo mir Wäng u Möbu verchratze!
D'Mueter isch eines Tages (unfreiwiig) nüm heicho,
u ig ha (unfreiwiig) d'Verantwortig für se übernoh.



7 Drum suecheni für sibe Chätzli
es liebevous, guets Plätzli!
Do isch mir d'Frou Pfarrer entgäge cho,
u het der Moritz mit is Pfarrhus gno.

6 Drum suecheni für sächs Chätzli
es liebevous, guets Plätzli!
D' Cherry läbt jetz im Schueehus,
u foht dert schiins e jedi Mus.



5 Drum suecheni für föif Chätzli
es liebevous, guets Plätzli!
D'Roustueu-Lina verwöhnt jetz mi Donna,
sie wird wohu sy, us bi ihre gäng guet ha.

4 Drum suecheni für vier Chätzli
es liebevous, guets Plätzli!
Dr Balu spiut mit Dokters Zwilinge im Garte,
är isch e richtig chlyne, wiude «Satansbrate»

3 Drum suecheni für drü Chätzli
es liebevous, guets Plätzli!
Flips u Molli träniere für ne Zirkusschou,
i bi gspannt wis usehunt - dir ou?



Fürs letschte vo mine liebe Chätzli
suecheni ganz sicher e kes Plätzli!
D'Lucy blibt bi mir dohei,
de bi ni ou nüme so alei !

